



অবিলম্বে প্রকাশের উদ্দেশ্যে: 4/26/2022

গভর্নর ক্যাথি হোকল

**নিউ ইয়র্ক স্টেটের অফিস অব স্ট্র্যাটেজিক ওয়ার্কফোর্স ডেভেলপমেন্ট গঠন সম্পর্কে
গভর্নর হোকলের ঘোষণা**

নতুন এই অফিস স্টেটের কর্মী উন্নয়ন সংক্রান্ত প্রচেষ্টাগুলোকে আঞ্চলিক ব্যবসা প্রতিষ্ঠানগুলোর প্রয়োজন পূরণ করা ও কর্মীদের দীর্ঘমেয়াদী সফলতা অর্জনের প্রতি টার্গেট করবে

এই অফিস 2023 অর্থবছরের বাজেটে অনুমোদিত হওয়া 350 মিলিয়ন ডলারের অধিকতর বিস্তৃত ওয়ার্কফোর্স ডেভেলপমেন্ট ইনিশিয়েটিভকে সামনে এগিয়ে নিবে, যার মধ্যে প্রাথমিকভাবে নিয়োগকর্তা-কেন্দ্রিক উচ্চ-দক্ষতাসম্পন্ন কর্মী প্রশিক্ষণ কর্মসূচিগুলোকে সহায়তা করবে এমন নতুন অনুদান কর্মসূচিগুলো অন্তর্ভুক্ত রয়েছে

নতুন জরিপে ব্যবসা প্রতিষ্ঠানগুলোর কাছ থেকে পাওয়া মতামত চাহিদা-কেন্দ্রিক কর্মী উন্নয়ন মডেলের জন্য তথ্য সরবরাহ করবে

গভর্নর ক্যাথি হোকল আজ নিউ ইয়র্ক স্টেটের অফিস অব স্ট্র্যাটেজিক ওয়ার্কফোর্স ডেভেলপমেন্ট (New York State Office of Strategic Workforce Development) গঠনের ঘোষণা দিয়েছেন, যে অফিসটি বর্তমান সময়ের নিয়োগকর্তাদের প্রয়োজন ও অগ্রাধিকারগুলোর সাথে অধিকতর সঙ্গতি রক্ষার জন্য স্টেটের কর্মী উন্নয়ন কর্মসূচি ও রীতিসমূহ উন্নত করার জন্য দায়িত্ব পাবে। গভর্নর এবছরের শুরুতে তার স্টেট অব দ্যা স্টেট ভাষণে সর্বপ্রথম এই নতুন অফিস গঠনের প্রস্তাব উত্থাপন করেছিলেন এবং তহবিল বরাদ্দ দেওয়ার অঙ্গীকার করেছিলেন যা 2023 অর্থবছরের বাজেটে অনুমোদিত হয়েছে। গভর্নর হোকল নিউ ইয়র্কের কর্মীদের দক্ষতা ও মেধা শক্তিশালীকরণ এবং অর্থনীতিকে সমৃদ্ধ করতে সহায়তা করা সম্পর্কে তার ব্যক্ত করা অঙ্গীকার পূরণ করছেন। স্টেট তহবিলের মাধ্যমে 350 মিলিয়ন ডলারের এই বিনিয়োগ স্টেট পর্যায়ের সংস্থা ও কর্তৃপক্ষগুলোতে কর্মী উন্নয়নের জন্য সুবিস্তৃত, ঐতিহাসিক ও সমন্বিত বিনিয়োগে সহায়তা করবে, যার মধ্যে প্রাথমিকভাবে নিয়োগকর্তা-কেন্দ্রিক উচ্চ-দক্ষতাসম্পন্ন কর্মী প্রশিক্ষণ কর্মসূচিগুলোকে সহায়তা করবে এমন নতুন অনুদান কর্মসূচিগুলোর জন্য একাধিক-বছর মেয়াদে 150 মিলিয়ন ডলারের তহবিল অন্তর্ভুক্ত রয়েছে।

"মহামারীর কারণে দেখা দেওয়া অর্থনৈতিক ব্যাঘাতের কারণে নিউ ইয়র্কবাসীরা এখনো কর্মসংস্থান ও সুযোগ-সুবিধার সন্ধান সংগ্রাম করে চলেছেন," বলেছেন গভর্নর হোকল। "এই

সমস্যাটি আমার জন্য একটি ব্যক্তিগত বিষয় - আমি ইস্পাতের প্ল্যান্টগুলো বন্ধ হয়ে যাওয়ার ফলে কর্মীদের কর্মসংস্থান হারিয়ে নিরুপায় হয়ে পড়তে দেখেছি। আমাদের এই নতুন অফিস অব স্ট্র্যাটেজিক ওয়ার্কফোর্স ডেভেলপমেন্টের মাধ্যমে আমরা নিউ ইয়র্কবাসীদেরকে প্রশিক্ষণ গ্রহণ করতে এবং ভবিষ্যতে ভালো বেতনের কর্মসংস্থানের সাথে সংযুক্ত হতে সাহায্য করার জন্য আমাদের অঙ্গীকার পূরণে কাজ করছি।"

এম্পায়ার স্টেট ডেভেলপমেন্ট (Empire State Development)-এর ভারপ্রাপ্ত কমিশনার এবং প্রেসিডেন্ট ও CEO পদে মনোনীত হোপ নাইট বলেন, "এই নতুন অফিস অব স্ট্র্যাটেজিক ওয়ার্কফোর্স ডেভেলপমেন্ট নিউ ইয়র্কবাসীদের জন্য নতুন সুযোগ-সুবিধা সৃষ্টি করতে এবং আঞ্চলিক অর্থনৈতিক সমৃদ্ধিতে উৎসাহিত করার জন্য স্টেটের শিল্প প্রতিষ্ঠাসমূহ ও নিয়োগকর্তাদের সাথে ESD-এর সম্পর্কে আরো জোরদার করবে। আমাদের স্টেট ইউনিভার্সিটি এবং আমাদের অংশীদার সংস্থাগুলোর সাথে একসঙ্গে মিলে আমরা স্টেটব্যাপী নতুন বিনিয়োগ ত্বরান্বিত করতে ব্যবসা প্রতিষ্ঠানগুলোকে একটি ট্যালেন্ট পাইপলাইন সরবরাহ করতে পারি।"

অফিস অব স্ট্র্যাটেজিক ওয়ার্কফোর্স ডেভেলপমেন্ট এম্পায়ার স্টেট ডেভেলপমেন্ট (ESD)-এর অধীনে কার্যক্রম পরিচালনা করবে, যা কর্মী উন্নয়ন নীতিমালায় একটি সুস্পষ্ট পরিবর্তন নিয়ে আসবে যেখানে স্টেটের সবচেয়ে বেশি সমৃদ্ধশীল খাতগুলোর শ্রমিক চাহিদা পূরণে সহায়তা করার পাশাপাশি বেকার/যথাযথ কর্মসংস্থান থেকে বঞ্চিত এবং যথাযথ প্রতিনিধিত্ব থেকে বঞ্চিত কর্মীদের জন্য নতুন অর্থনৈতিক সুযোগ-সুবিধা তৈরি করার ব্যাপারে অধিক মনোযোগ দেওয়া হবে। শ্রম বিভাগ (Department of Labor), স্টেট ইউনিভার্সিটি অব নিউ ইয়র্ক (State University of New York), এবং সিটি ইউনিভার্সিটি অব নিউ ইয়র্ক (City University of New York) সহ কর্মীদের সফল প্রশিক্ষণ কর্মসূচি বাস্তবায়নের বিশেষ দক্ষতা ও ট্র্যাক রেকর্ড রয়েছে এমন অন্য অংশীদার সংস্থাগুলোর নিবিড় সহযোগিতায় ESD এই অফিস পরিচালনা করবে। আগে থেকে নিয়োগকর্তাদের চাহিদাগুলো শনাক্ত করে সেগুলো পূরণের জন্য নিউ ইয়র্কবাসীদের প্রশিক্ষণ অর্জনে সাহায্য করতে এই অফিস স্টেটব্যাপী নিয়োগকর্তাদের সাথে ESD-এর সম্পর্ক এবং ব্যবসায়িক কমিউনিটিতে একজন আস্থাভাজন অংশীদার হিসেবে এর অবস্থানকে কাজে লাগাবে।

এই প্রচেষ্টা চালুর জন্য নিউ ইয়র্ক স্টেট - বিজনেস কাউন্সিল অব নিউ ইয়র্ক স্টেট (Business Council of New York State)-এর সাথে অংশীদার হয়ে - বর্তমানের জটিল অর্থনীতিতে সফল হওয়ার জন্য কর্মীদের যেসব দক্ষতা থাকা আবশ্যিক সে সম্পর্কে এবং নিউ ইয়র্ক কিভাবে কোম্পানিগুলোর চাহিদা আরো ভালোভাবে পূরণ করার জন্য এর শ্রম শক্তিকে প্রস্তুত করতে পারে ও যথাযথ স্থান প্রদান করতে পারে সে সম্পর্কে ব্যবসা প্রতিষ্ঠানগুলোর কাছ থেকে মতামত গ্রহণের জন্য একটি সমন্বিত অনলাইন [জরিপ](#) প্রস্তুত করেছে। এই চাহিদা-কেন্দ্রিক কর্মপদ্ধতি নিউ ইয়র্কের স্টেটব্যাপী ও আঞ্চলিক কর্মী উন্নয়ন প্রচেষ্টাকে অবহিত রাখার জন্য চাহিদাসম্পন্ন কর্মসংস্থান ও দক্ষতা সম্পর্কে রিয়েল-টাইম মতামতের অ্যাক্সেস পাওয়া নিশ্চিত করবে।

ESD স্টেটের 10টি আঞ্চলিক অর্থনৈতিক উন্নয়ন কাউন্সিলের (Regional Economic Development Councils) সাথে একসঙ্গে কাজ করবে, যেখানে স্থানীয় স্টেকহোল্ডারদের সম্পৃক্ততা থাকবে এবং মহামারী-পরবর্তী অর্থনীতিতে প্রতিটি অঞ্চলে অগ্রাধিকার দেওয়ার মতো

সুনির্দিষ্ট দক্ষতা ও শিল্পগুলো শনাক্ত করতে সাহায্য করবে। প্রত্যেক অঞ্চলের কর্মী প্রশিক্ষণ কর্মসূচিগুলো নিয়োগকর্তাদের বর্তমান ও ক্রমবিকাশমান চাহিদাগুলো সম্পর্কে অবগত রয়েছে তা নিশ্চিত করতে আঞ্চলিক কাউন্সিলগুলোর বিশেষ স্থানীয় বিশেষজ্ঞরা সাহায্য করবেন এবং এসব অগ্রাধিকারের সাথে সঙ্গতি রক্ষার জন্য স্থানীয় প্রশিক্ষণ প্রদানকারীদের জন্য তাদের কর্মসূচিগুলো আরো ভালোভাবে সমন্বয় করার সুযোগ প্রদান করবেন।

শিল্প-কেন্দ্রিক একটি কৌশলের প্রসার ঘটানোর পাশাপাশি ESD চাহিদাসম্পন্ন কর্মসংস্থানের চাহিদা পূরণের জন্য নিয়োগকর্তাদের উচ্চ-দক্ষতাসম্পন্ন কর্মী নিয়োগের চাহিদা পূরণ করা এবং স্টেটের বিদ্যমান কর্মী উন্নয়ন প্রচেষ্টাগুলোর পরিপূরক হিসেবে ভূমিকা রাখার প্রধান লক্ষ্য নিয়ে কাজ করা নতুন কর্মসূচিগুলোর জন্য 150 মিলিয়ন ডলারের বরাদ্দ প্রদান করবে। এই কর্মসূচির মধ্যে প্রশিক্ষণ গ্রহণকারীদের জন্য সফলভাবে মানসম্মত কর্মসংস্থানের ব্যবস্থা করে দেওয়াটা প্রশিক্ষণ প্রদানকারীদের জন্য কর্মদক্ষতা-ভিত্তিক অনুদান, প্রশিক্ষণ প্রদানকারীদের কর্মসূচি পরিচালনার ব্যয় নির্বাহ করতে সাহায্য করার জন্য নমনীয় কার্যপরিচালনা তহবিল, এবং প্রশিক্ষণ প্রদানকারীদের জন্য তাদের প্রশিক্ষণ কেন্দ্রগুলোর জন্য বড় ধরনের ক্রয় সম্পাদন করা এবং/অথবা আপগ্রেড সম্পন্ন করার সুযোগ করে দিতে মূলধনী তহবিল অন্তর্ভুক্ত থাকবে। পরিবর্তনশীল চাহিদা পূরণে নমনীয়তা নিশ্চিত করতে আঞ্চলিকভাবে গুরুত্বপূর্ণ শিল্পগুলোর জন্য নতুন কর্মীদের একটি পাইপলাইন তৈরি করতে রিয়েল-টাইমে চলমান ভিত্তিতে তহবিল প্রদান করা হবে। এবছরের শেষ নাগাদ এসব কর্মসূচি চালু হবে বলে প্রত্যাশা করা হচ্ছে এবং ততদিনে অফিসটিও কর্মসূচিগুলোর বাস্তবায়ন ও সফলতার ট্র্যাক রাখার মেট্রিক্স প্রতিষ্ঠা ও রক্ষণাবেক্ষণ করবে।

ESD বর্তমানে স্টেটের এসব উচ্চাকাঙ্ক্ষী প্রচেষ্টা বাস্তবায়ন ও নেতৃত্ব দানের জন্য অফিসের কর্মী নিয়োগ করতে একটি সমন্বিত [অনুসন্ধান](#) পরিচালনা করছে।

নিউ ইয়র্ক স্টেটের শ্রম বিভাগের কমিশনার রবার্টা রিয়ারডন বলেন, "নিউ ইয়র্ক স্টেটের অর্থনীতি সামনে এগিয়ে যাচ্ছে এবং এই শক্তিশালী অগ্রযাত্রা ধরে রাখতে ব্যবসা প্রতিষ্ঠানগুলোর একটি দক্ষ কর্মীদল প্রয়োজন। NYS-এর DOL স্টেটব্যাপী ব্যবসা প্রতিষ্ঠানগুলোর চাহিদা নির্ণয় করতে এবং তাদের সফল হতে সহায়তা করতে নিয়মিত জরিপ পরিচালনা করে থাকে। নিবন্ধিত শিক্ষানবিশ হওয়া এবং ব্যাপকভাবে সফল চাকরি মেলা থেকে শুরু করে কোর্সেরা (Coursera)-এর মাধ্যমে অনলাইনে দক্ষতা বৃদ্ধির সুযোগ এবং অন্য বহু সংস্থান কাজে লাগিয়ে, নিউ ইয়র্ক স্টেটের শ্রম বিভাগ এটি নিশ্চিত করতে সচেষ্ট থাকে যে স্টেটজুড়ে নিউ ইয়র্কবাসীরা যাতে সত্যিকার অর্থে ব্যবসা প্রতিষ্ঠানগুলোর প্রয়োজন পূরণের জন্য এবং আমাদের শক্তিশালী অর্থনীতিতে সফলতা অর্জনের জন্য তাদের প্রয়োজনীয় মানসম্মত প্রশিক্ষণ অর্জন করতে পারেন। অফিস অব স্ট্র্যাটেজিক ওয়ার্কফোর্স ডেভেলপমেন্ট এবং অন্যান্য সংস্থার সাথে আমাদের সহযোগিতা স্টেটের প্রতিটি অঞ্চলের নিউ ইয়র্কবাসীদের জন্য দারুণ সব সুযোগ-সুবিধা তৈরি করবে।"

SUNY-এর অন্তর্বর্তীকালীন চ্যান্সেলর ডেবোরা এফ. স্ট্যানলি বলেন, "জনসাধারণের উচ্চ শিক্ষা দীর্ঘ সময় ধরেই নিউ ইয়র্ক স্টেটের কর্মীদের মেরুদণ্ড হিসেবে ভূমিকা পালন করে আসছে, যেখানে পরবর্তী প্রজন্মের প্রকৌশলী, শিল্পী, নার্স, ও প্রতিটি খাতের গুরুত্বপূর্ণ

চিন্তাবিদদের প্রশিক্ষণ প্রদান করা হয়ে থাকে। উচ্চ দক্ষতাসম্পন্ন কর্মীদের চাহিদা দেশব্যাপী বিদ্যমান এবং SUNY-এর শিক্ষাগত সুযোগ-সুবিধার কেন্দ্রসমূহ এবং স্টেটব্যাপী 64টি ক্যাম্পাসের মাধ্যমে আমরা নিউ ইয়র্কবাসীদের পুনরায় প্রশিক্ষণ প্রদান করছি ও তাদের দক্ষতা উন্নত করছি এবং তাদেরকে আরো উন্নত কর্মসংস্থানের দিকে নিয়ে যাচ্ছি। স্টেটের কর্মী উন্নয়ন কৌশল সামনে এগিয়ে নেওয়া, সংস্থানসমূহ বরাদ্দ করা, এবং নতুন কর্মীদের ল্যান্ডস্কেপের চাহিদা পূরণে ভবিষ্যতের সরকারি ও বেসরকারি অংশীদারিত্বের অনুঘটক হিসেবে ভূমিকা রাখার জন্য আমি গভর্নর ক্যাথি হোকলের প্রশংসা করি। নিউ ইয়র্কবাসীদেরকে তাদের স্বপ্ন অর্জনে সাহায্য করতে আমি এম্পায়ার স্টেট ডেভেলপমেন্টের সাথে নিবিড়ভাবে কাজ করে যাওয়ার প্রত্যাশা রাখি।"

CUNY চ্যান্সেলর ফেলিক্স ভি. মাতোস রডরিগেজ বলেন, "নিউ ইয়র্কের মহামারী পরবর্তী পুনরুদ্ধার নির্ভর করছে এমন কর্মীদের উপর যাদের উদীয়মান শিল্প ও চাহিদা-সম্পন্ন খাতগুলোর নিয়োগকর্তাদের প্রয়োজন পূরণের মতো বিশেষ দক্ষতা ও প্রস্তুতি রয়েছে। এই উদ্যোগ CUNY-এর শিক্ষার্থীদের জন্য ক্যারিয়ার ও কর্মীদল উন্নয়নের অমূল্য সুযোগ প্রদান করবে, যা তাদের জন্য সর্বোচ্চ চাহিদা সম্পন্ন খাতগুলোতে অর্থপূর্ণ আকর্ষণীয় ক্যারিয়ার বেছে নেওয়ার সুযোগ করে দিবে। CUNY-এর প্রতি তার অঙ্গীকারাবদ্ধতা প্রদর্শনের জন্য আমরা গভর্নর হোকলকে ধন্যবাদ জানাই, এবং নিউ ইয়র্কের টেকসই অর্থনৈতিক সমৃদ্ধি পরিচালনায় সহায়তা ও সাহায্য করার জন্য নতুন প্রতিষ্ঠিত অফিস অব স্ট্র্যাটেজিক ওয়ার্কফোর্স ডেভেলপমেন্ট-এর সাথে অংশীদার হওয়া সুযোগ পেলে আমরা আনন্দিত হবো।"

স্টেট সিনেটর অ্যানা এম. কাপলান বলেন, "আমাদের অর্থনৈতিক পুনরুদ্ধারের সফলতা নির্ভর করবে বর্তমানের ও আগামী দিনের কর্মসংস্থানের জন্য প্রস্তুত রয়েছে এমন একটি স্থানীয় কর্মীদল ব্যবহার করে নিয়োগকর্তাদের চাহিদা পূরণ করতে পারার জন্য আমাদের সক্ষমতার উপর। এসব চাহিদা পূরণের জন্য কর্মীদল উন্নয়নের একটি মনোযোগী ও ভালোভাবে-সমর্থিত কর্মপদ্ধতি আবশ্যিক যা অবশেষে আমরা এই নতুন অফিস অব স্ট্র্যাটেজিক ওয়ার্কফোর্স ডেভেলপমেন্ট-এর অধীনে নিউ ইয়র্ক স্টেটে পেতে যাচ্ছি। এই গুরুত্বপূর্ণ প্রচেষ্টার প্রস্তাব উত্থাপনের জন্য আমি গভর্নর হোকলে প্রতি কৃতজ্ঞ, এবং স্টেট বাজেটের অংশ হিসেবে এই নতুন উদ্যোগে সহায়তা করতে পেরে আমি গর্বিত।"

অ্যাসেম্বলি সদস্য হ্যারি ব্রনসন বলেন, "কর্মীদের উন্নয়নই অর্থনৈতিক উন্নয়ন। এটি কেবল একটি দর্শন নয় এবং আমি গর্বিত যে নিউ ইয়র্ক স্টেট অফিস অব স্ট্র্যাটেজিক ওয়ার্কফোর্স ডেভেলপমেন্ট প্রতিষ্ঠার জন্য এর সংস্থানসমূহ বরাদ্দ করেছে। কোভিড-19 মহামারী থেকে সেরে উঠা অব্যাহত থাকার এই সময়ে মহামারীর শুরু সময় যারা আমাদের সঙ্গে ছিলেন সেসব কর্মীদের কথা আমরা ভুলে যেতে পারি না। এই স্টেটব্যাপী কর্মীরা জরুরি সেবাগুলো চালু রেখেছিলেন এবং আমাদের কমিউনিটির জন্য ত্যাগ স্বীকার করেছেন। এটি দ্রুত স্পষ্ট হয়ে উঠেছিল যে কোভিড-19 এর বিরুদ্ধে আমাদের সেরা প্রতিরক্ষা হচ্ছে ভালোভাবে প্রস্তুত থাকা একটি কর্মীদল এবং আমাদের কর্মীদের জন্য কৌশলগত বিনিয়োগ দীর্ঘদিন ধরে পিছিয়ে রয়েছে। সামনের সময়গুলোতে এই অফিসটি কর্মী উন্নয়ন কর্মসূচিগুলো এবং আমাদের স্টেটের নতুন উদীয়মান শিল্পগুলোর মধ্যে সংযোগ স্থাপনে সাহায্য করবে। আমি দীর্ঘ সময় ধরে এই মডেলের প্রতি সমর্থন জানিয়ে এসেছি এবং নিউ ইয়র্ক স্টেটের পরিবারগুলোর জন্য একটি

অন্তর্ভুক্তিমূলক ও সমতাপূর্ণ পুনরুদ্ধার প্রচেষ্টা চালানোর এই সময়ে এই অভিনব কর্মপদ্ধতি গ্রহণের জন্য আমি গভর্নর হোকলকে ধন্যবাদ জানাই।"

বিজনেস কাউন্সিল অব নিউ ইয়র্ক স্টেট (The Business Council of New York State)-
এর প্রেসিডেন্ট ও CEO হিথার ব্রিসেটি, এক্স. বলেন, "ব্যবসা প্রতিষ্ঠান ও শিল্প দিয়ে শুরু করে স্টেটের ব্যবসা প্রতিষ্ঠানগুলোর জন্য আঞ্চলিক ও খাত-ভিত্তিক কর্মী সমাধানের উপর জোর দেওয়ার স্টেটের কর্মপদ্ধতি সংস্কারের জন্য আমরা গভর্নর হোকলকে সাধুবাদ জানাই। এই নতুন অফিস অব স্ট্র্যাটেজিক ওয়ার্কফোর্স ডেভেলপমেন্ট লভ্য কর্মসংস্থান ও দক্ষ কর্মীদের মধ্যে ক্রমবর্ধমান ব্যবধান মোকাবেলায় কাজ করবে এবং একই সাথে স্টেটের ক্রমবর্ধমান শিল্পগুলোর জন্য একটি গতিময় দক্ষ কর্মীদল এবং সম্ভাবনাময় ক্যারিয়ারের পথ তৈরি করবে।"

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবক্লাইব করুন](#)